

靈寶无量度人上品妙經卷之九

天九

禹餘玉律品

道言昔於金映碧光天中絳霄流歌太元妙
上受元始度人禹餘玉律无量上品元始天
尊當說是經周迴十過以召十方始當詣座
天真大神上聖高尊妙行真人上清九真禹
餘真仙三境真王無鞅數衆乘空而來綠華
紫煙寶輿雲輶靈輝翠蓋交蔭晨霞萬色鬱
煥映耀霄虛七日七夜諸天日月合景星斗
停機瓊樓玉闕一時同明天風惠和海嶽晏

清一國地土山川林木緬平一等無復高下
土皆瑩碧潤澤流鮮無有異色衆真侍座元
始天尊玄坐空浮九光玉華寶局之上說經
一徧諸天大聖同時稱善是時一國男女超
悟圓覺妙性悉獲靈明說經二徧耳目聰明

天九

悟此上清為元空界說經三徧神精固真說
經四徧累業解散共證清虛說經五徧災疾
不生時序和平說經六徧妙氣運化萬物皆
昌說經七徧真風浹洽道德日新說經八徧
翁艾返壯皆得長年說經九徧普受開度俱

登如仙說經十徧天上天下萬聖稱歎是時
一國是男是女皆被玄澤仰戴無窮

道言是時元始天尊說經一徧東方无極无
量品至真大神無鞅之衆浮空而至說經二
徧南方无極无量品至真大神無鞅之衆浮
空而至說經三徧西方无極无量品至真大
神無鞅之衆浮空而至說經四徧北方无極
无量品至真大神無鞅之衆浮空而至說經
五徧東北无極无量品至真大神無鞅之衆
浮空而至說經六徧東南无極无量品至真

大神無鞅之衆浮空而至說經七徧西南无
極无量品至真大神無鞅之衆浮空而至說
經八徧西北无極无量品至真大神無鞅之
衆浮空而至說經九徧上方无極无量品至
真大神無鞅之衆浮空而至說經十徧下方

天九

二

无極无量品至真大神無鞅之衆浮空而至
十徧周竟十方无極天真大神一時同至一
國男女傾心歸仰來者有如細雨密霧天人
微妙洞合至真化體結形分變萬億咸各相
謂我等歷劫悟道无諸塵漏證位法身自入

氣觀了悟玄虛初居大赤玄氣境界道妙之
域無為之中次達禹餘位進清真高證妙果
涉於道極禹言廣大餘言遼遠廣大無窮故
號禹餘混同元體普該一切我聞元始說法
開示禹餘玉律之文最上大法檢真檢仙制
命衆魔辟却邪精化惡歸善無鞅之衆迨國
一半土皆偏陷非可禁止天尊俯觀普告而
言爾今衆等學道登真位列上清身居禹餘
法性自然已無遷變麤習俱淨細着不生自
無過尤何用其律若有立教垂訓於人不立

科律而辦修行譬之天帝仙真地超九品緣
法俱盡而猶圓冠方履帶劍搢圭乘駕羽軒
龍旗鳳屐所以爲法豈可不議今我出禹餘
玉律之妙檢天地神聖之文奉之一身蔭及
萬祖行之千日恩徧十方子其敬聽毋忽神
文也於是元始懸一寶珠大如黍米在空玄
之中去地五丈元始登引天真大神上聖高
尊妙行真人十方无極至真大神無鞅數衆
俱入寶珠之中天人仰看惟見拂拂從珠口
中入既入珠口不知所在國人廓散地還平

正無復歇陷元始即於寶珠之內說經都竟
衆真監度以授於我當此之時喜慶難言法
事粗悉諸天復位倏歛之間寂無遺響是時
天人遇值經法普得濟度全其本年無有中
傷傾土歸仰咸行道真無私無惡無漏無染
無結無想無欲無穢無貪無嗔言無妄誕口
詠善聲齊同慈愛異骨成親國安民豐欣樂
太平經始出教一國以道預有志心宗奉禮
敬皆得度世

道言元始天尊說經中所言並是諸天上帝

內名隱韻之音亦是禹餘玉律真王內諱百
 靈之隱名也為上清之祕九真之要知其道
 者因法即真因真會道道妙合神忘神於虛
 守道於無先天地而為主後天地而獨居匪
 禹餘之玉律安能使神化於無隅蓋非世之
 常辭上聖已成真人通玄究微能悉其章誦
 之十過諸仙稱讚萬帝咸欣天地清肅和氣
 沖融三元降瑞九壘發祥振伏邪祆凶怪蕩
 滅苦趣消除俱登快樂至學之士誦之十過
 則感降真靈招延妙精鍊神致仙司命保迎

超度七祖受化朱陵回禳災禍無所不神所以爾者元真之炁出於上皇玄虛之音該契洞極混元交激布德生成一切庶彙普被其恩輕誦此章身則被殃供養尊禮門戶興隆世世昌熾與善因緣萬災不干神明護門斯

天九

四

經尊妙獨步玉京度人无量為萬道之宗魏巍大範德難可勝道言凡誦是經十過萬聖竦聞諸天齊到以禹餘王律檢察仙聖戒制神靈無不尊畏勅赦北酆億曾萬祖幽魂苦爽皆即受度上升

朱官格皆九年受化更生得為貴人而好學
至經功滿德就攝制萬靈道被群品皆得神
仙飛昇金闕遊宴玉京也上學之士修誦是
經神帝降會三田九宮洞房集明煥耀玉光
一身靈固遂獲長生世人受誦則宿罪消釋
奉道希僊勤積善功當超世緣後皆得作尸
解之道魂神暫滅不經地獄即得返形遊行
太空此經微妙普度無窮一切天人莫不受
慶无量之福生死蒙惠上天所寶不傳下世
至士齋金寶效心盟天而傳輕泄漏慢殃及

九祖長役鬼官侍經五帝玉童玉女各二十
四人營衛神文保護受經者身

道言正月長齋誦詠是經則青帝奉律天官
奏功爲上世亡魂斷地逮役度上南宮七月
長齋誦詠是經則白帝奉律地官奏功身得

天九

五

神仙諸天書名黃錄白簡削死上生十月長
齋誦詠是經則黑帝奉律水官奏功爲國王
帝主君臣父子安鎮國祚保天長存世世不
絕常爲人君安鎮其方民見太平八節之日
誦詠是經律總八天警勵百神得爲九宮真

人本命之日誦詠是經絳官納真依律致神
魂魄澄正萬氣長存不經苦惱身有光明三
界侍衛五帝司迎萬神朝禮名書上天功滿
德就飛升上清

道言行道之日皆當香湯沐浴齋戒入室
東向叩齒三十二通上聞三十二天心拜
三十二過閉目靜思身坐九色光明雲炁
之中內外蕭冥有青龍白虎朱雀玄武獅
子白鶴羅列左右日月照明洞煥室內項
生圓象光映十方如此分明密呪曰

无上玄元太上道君召出臣身中三五功曹
左右官使者侍香玉童傳言玉女五帝直符
直日香官各三十二人關啓所言今日吉慶
長齋清堂修行至經无量度人願所啓上徹
徑御

无上三十二天元始上帝至尊几前畢

引炁三十二過東向誦經

元始无量度人上品妙經

元始洞玄靈寶本章禹餘玉律上品度人帝
真隱韻離合自然赤混太无玄上玉虛三元
開劫生化禹餘廣大遼遠至妙之墟靈寶天
君洞玄之神挺秀玉都結真上清龍漢之始

天九

六

積氣華明飛靈煥鬱輝煌妙文列成科簡典
錄之章主治萬天仙聖靈真分別善惡拘制
袂氛不得橫馳敗試失正規敕邪源塞絕禍
端是爲元範化育所存太和華闕八景雲城
大明紫宮玉霄琳房太微協晨七映長樓穹

窿連落流光散浮中有玄真度命之神中有
丹靈延生定簡之君中有玉晨上生大神中
有都天太元丈人中有无上紫微典錄察姦
司過檢校尊神迴骸起死无量度人今日校
錄諸天臨軒

東方无極飛天主律神王長生大聖无量度
人

南方无極飛天主律神王長生大聖无量度
人

西方无極飛天主律神王長生大聖无量度

人

北方无極飛天主律神王長生大聖无量度

人

東北无極飛天主律神王長生大聖无量度

人

東南无極飛天主律神王長生大聖无量度

天九

七

人

西南无極飛天主律神王長生大聖无量度

人

西北无極飛天主律神王長生大聖无量度

人

上方无極飛天主律神王長生大聖无量度

人

下方无極飛天主律神王長生大聖无量度

人

十方至真飛天主律神王長生度世无量大

神並乘晨霞丹車寶輿翠葆羽輶驂駕玉華

神鳳九氣驪龍建上清三色之節萬景靈幡

前導太和妙樂後歌洞化神章獅子白鶴嘯

歌嚨嚨九色翊麾三素衛軒億乘萬騎浮空

而來僊輪霄穹流盼高玄八極真帝十方道
君神官主律靈官上卿紫文青簡總御齊臨
校功度善察制邪源驛馳萬域洞府冥關太
元定錄保命童初三十六府崑閬易遷各承
律令保度生民却除災氣延致吉祥陶鍊靈
質與道俱昌下濟幽泉三官北酆考原罪福
鍊化朱陵咸會真氣返形受生生身受度劫
劫長存隨劫輪轉與天齊年永度三塗五苦
八難超凌三界逍遙上清上清之天天帝淨
靈玄虛之境梵行

東方八天

青化陽範天

部真符龍天

景昌太明天

左元道父天

天九

真氣修胃神制天

柏僊鍊和天

玉素籍玄天

斬陽純膺天

南方八天

帝惠吉浦尊

帝尼何义元

帝窈常鄙雲

帝祝馳迅舒

八

帝會娑南邾

帝蔚長孳飛

帝招扶隔炎

帝隱牙樞敦

鍊延至定天	西方八天	交露變玄天	康緒顯玄天	紀道順陽天	九明思微天	雲殿列華天	赤宗鼓時天	元弼貴生天	駐思結神天
帝魯咸宜聰		帝景崇元阨	帝降須尚晨	帝宗符致空	帝耀華靈淵	帝中靜惠顏	帝步方九關	帝闕運洙滄	帝降婺靈棲

少華肅登天

帝祖皇述辛

真明管元天

帝利達辨寧

太素耀靈九天

帝洞侯陽圖

玉機度人天

帝祚希仙王

元梵象變天

帝塗光上玄

太霄隱虛天

帝良都輔昌

天九

九

洞微帝真天

帝總監靈神

北方八天

太嶽嘉愨天

帝雲靈啓先

玄戶理幽天

帝韓婁卷蒙

北司平力天

帝陰火時

真道顯芳崇矣

帝覺龍宗王

玄黃洞虛煥燿

帝妙生智雲

玉庭元素天

帝力真衛瀆

龍梵變嬰天

帝格常居

泉靈極冥天

帝推百雷

三十二天三十二帝諸天隱諱諸天隱名天

中空洞自然靈章諸天隱韻禹餘之音上清

之尊上清之神上清真魔止清之靈玄虛至

用萬化生根无量之奧深不可詳總轄靈綱

管機運真今日宣揚妙化普告三元摧魔滅
試舉善升遷簡定圖籙標名帝仙玄師保舉
越度太玄東斗主曆西斗定刑北斗察非南
斗司姦中斗奉化統布大權青帝保生白帝
輔成赤帝奏功黑帝赦罪黃帝周行恢張言
會青律神王護帝羅天赤律神王顯告刑原
白律神王斬馘酆泉黑律神王拯判幽姦黃
律神王五嶽都官檢律真魔萬神之宗飛行
鼓從總領鬼兵麾幢鼓節遊觀太空神威赫
奕諸天齊功上清玉律嚴攝北酆神王受命

普掃不祥金精驚燁飛電四騰參尾前驅玉
甲揚旌流精擲火威南八衝敢有干試拒遏
上真金首前戮天騶後刑屠割鬼爽風火無
停千千截首萬萬翦形魔無干犯鬼無祆精
三官北酆明檢鬼營不得容隱金馬驛呈普
告無窮萬神咸聽三界五帝列言上清

天光

十

禹餘王律天文一百六十一字

禹餘真王檢萬神

兩錄齋庚禱祈魁

制律刻玉嚴五刑

亂臣賊子審此言
元因巨罰苦號天
萬兵帶甲守曲泉
鑿硤火窟飛惡煙
越盜回帝裔辰頡
敕使五帝來考魂
彊疆膺屨郝厠誦

靈寶度量上人妙經

何 不 立 功 救 無 間
所 隔 賞 疑 旨 因 益
胡 為 自 是 守 空 山
彌 匝 臚 叢 冠 坐 閃
公 平 忠 孝 道 之 門
萬 神 奉 律 受 玄 文
所 歿 所 陰 晴 濟 廣
無 犯 玉 律 墮 汝 顛
烟 祠 燄 受 曹 杜 咸

依律奉行朝帝君
匪魚氣西驟尙穆
上清司命策子名
墜煙霜眾屏古巫
使民壽樂見太平
能祖解脫升太玄
七祖解脫升太玄
省焚霖流紛貴煥
自然天帝錫子仙
蜃乘齒疥顛弄闔

旛
隍
策
弓
鑿
甕
闕

入景浮駕生紫宸

珽
扇
勝
盤
坐
穹
闕

右青書白素佩之百神衛形刊文赤囊

心用以印萬病効萬神隨心所用立應

天九

十二

玉晨大律三天妙文三氣洞合混化元清天

號大赤元爲上清天號禹餘始爲玉清天號

清微三氣未分溟洞爲一三景開光三氣乃

分赤混之代玉律冥冥元氣細縕羅絡成文

其氣伏藏混爲玉精眇眇億劫混沌之中上

玄鬱藹下元散分妙氣磅礴玉光凝精元始
帝魂始為神嬰風元水玄洞虛為體金輝耀
天華文之始道範既彰開化無窮禹餘之境
萬道所宗流演科條運度自然經維衆度無
量億千玄官神錄檢御真冥保持劫會生氣
長存元梵纏結三十二天運輸靈德周度十
方上關帝宅下歷洞宮宣告隱篇九品符章
嘯詠攝氣靈風聚煙紫虛鬱秀輔翼萬仙千
和萬合自然成真真中有神長生大君無英
公子白元尊神四極之君元皇主宰掌禁尊

神玄都典錄定簡高靈總該玄籍舉度當仙
上遊上清出入華房降延真氣靈妙之精下
灌生關泥丸絳房中合五氣混合百神九變
迴風萬氣齊仙仙道貴生无量度人上開八
門飛神運誠朝謁帝皇七祖齊升罪福禁戒
天九
宿命因緣普受開度死魂生身身得受生上
聞諸天諸天之上各有仙門中有空洞謠歌
之章真王靈篇辭參高真

第一禹餘玉律清玄飛空之音

寥寥三界外 浩氣結丹玄 玉樓華靄間

絳闕連朱煙 中有虛无君 統化御諸天
妙檢著玉文 出在太始先 三光煥明鬱
經緯總萬神 察制遏百非 保度道德人
冲素應格言 何足畏魔群 洞景無遐累
億劫忘虧成 誰知此至用 可以保長存

第二玉律檢制神靈之章

赤明大劫初 玄清耀玉文 魏魏靈寶君
掌握萬化元 天地山川主 神司秉我權
陰陽適妙會 蕩蕩無凶姦 調運太平氣
邪正勿相干 遵奉我律章 日保道德隆

敢有肆橫毒
敗我清靜風
五帝馳威伐
速送流火宮
詭妄徒紛紛
檢制皆不容
功過無毫忒
簡奏玉霄房
超度升有緣
同歸太妙門

第三玉律元皇超升歌曰

我行上清境
回觀三界中
指顧臨萬天
歛忽轡飛龍
人身如蘆蘆
寸田百妄攻
不知神氣盡
五道如樊籠
當思絕學觀
道氣常沖融
神凝形自分
玄影相朦朧
陰盡滅魔穢
清虛合太空
結鍊成仙質

簡奏青華童

真妙既充盈

福慶及先宗

躡景步寥廓

萬劫年何窮

自非高真才

安我希鴻濛

天人同我遊

勝樂靡不崇

若非因律言

奚所振玄風

此三界之上飛空之中真王歌音參洞章

天九

十四

誦之百遍名度南宮誦之千遍真王保迎萬

徧道備飛升太空過度三界位登仙公有聞

靈音真王敬形敕制地祇侍衛送迎拔出地

戶五苦八難七祖升遷永離地關魂度朱陵

受鍊更生是謂无量普度无窮有祕上天文

諸天共所崇泄慢墮地獄禍及七祖翁

道言此二章並是諸天上帝及至靈真王隱
祕之音禹餘玉律統御天地檢仙制神天禁
至重之文非世上常辭言無韻麗曲無華宛
故謂玄奧難可尋詳上天所寶祕於神霄玉
清玉府東經寶室道君開教應運流傳若有
至人齋金寶質心依舊格告盟十天然後而
付焉

道言禹餘玉律監察萬真簡定功過攝察百
神夫天地運度否終日月五星虧盈至聖神

人休否末學之夫疾傷凡有此災皆有天司
掌轄之吏主之故嘗得失干於天政玉律之
所考按不得而私也敢有私蔽妄為殃咎律
所不赦同氣皆當齊心修齋六時行香十徧
轉經至若道士登壇嚴肅齊整如法誦此玉
律天九大經福德立降消諸不祥十五无量之文普度
无窮

道言夫末學道淺或仙品未充運應滅度身
經太陰臨過之時同學至人為其行香誦經
十過以度屍形如法則地官奉律統察地祇

拘魂鍊屍土中風虎不得侵害魂神徑上南
宮隨其學功計日而得更生輪轉不惑便得
神仙

道言夫天地運終星宿錯度日月失明四時
失度陰陽不調國境水旱兵盜間起疫毒流
行兆民死傷師友命過同氣終歿玉律之所
違犯神靈之所嚴畏皆當修齋行香誦經夫
齋戒誦經功德甚重上消天災保鎮帝王下
攘毒害以度兆民生死受賴其福難勝故曰
无量普度天人

道言凡有是經能為天地帝主兆民行是功德有災之日發心修齋燒香誦經十過皆諸天記名萬神侍衛右別至人剋得為聖君金闕之臣諸天記人功過毫分無失天中真王亦保舉爾身得道者乃當洞明至言也

諸天中大梵隱語无量音 道君撰
元始禹餘靈書玉篇

東方八天

室乾頌交 韓陲誓晦 韜漏頤侯
真阿瑄參 微冒綃撲 青逗驛岑

瓊存興治 號桓呂丸 逸羅端丑

霞紡捐金 露耀忽卓 慶波溪尋

喜陳玉靜 寶液鼎滋 辨甲宅祥

戊何三真

南方八天

天九

神霄干露 警青虎霞 壺方中定

敕法使靈 岫將斬魔 慧光滌元

賴巫來見 考魂隱宣 仙功惟意

真華命呼 離塗救焚 大宸紫君

天嶽祕諱 內闕法輪 蓬府司監

十六

化度種人

西方八天

玉闕明都

啓昆瑤月

火令擲雷

八殺戮檢

魁壘神帝

震誠理仙

悅蕩役罰

俊召龍嶼

適鐫遐達

昌門入真

飛甲奔鉞

定竒左神

略晉尹泉

幽通爽魂

返化冥護

東符道君

北方八天

道充美侍

靈隋黃治

徧俱善那

法寶玩詣

玉玄經顯

卯光胞幾

藏粹貫遙

漠洞純微

絳祠覺靈

依來輔王

眇濟廣浦

澤潤麗荒

斗童錄圖

潢津祖糧

綿冥罔著

蕭回魯剛

天九

十七

道言此諸天中大梵隱語玉律內章无量之音舊文刻禹餘玉闕之上以正玉律之文上中下真天官貴神恭以佩之不敢違也非地下官君二千石之長所遵粟爾字皆廣長一文至學得之可以飛神禹餘受事玉宸或隱

靜雲宅下遊人間用其道召檄山靈考錄萬
鬼書名上清天真皇人昔書其文以爲正音
有知其音能齋而誦之者諸天皆遣中天神
魔七名大將太一仙真下觀其身附其本神
爲兆致靈書其功勤上奏諸天萬神朝禮地
祇侍門大功真王保舉神霄道備剋得遊行
三界升入金門此音無所不辟無所不攘無
所不度無所不成天真自然之音也故誦之
致神魔下觀上帝遙唱萬神朝禮三界侍軒
群杖束首鬼精自亡琳琅振響十方肅清河

靈寶度量上人妙品

海靜默山嶽吞煙萬靈振伏招集群仙天無
氛穢地無枝塵冥慧洞清大量玄玄也

元始无量度人上品妙經卷之九

二十二第九卷
